



Uunga
Inatsisartunut ilaasortaq, Inuit Ataqtigiit
Sofie Geisler

Asasara Sofie Geisler

Apeqqutunut nassiussimasannut qujanaq.

Inatsisartut suleriaasianni § 37, imm. 1 naapertorlugu Naalakkersuisunut apeqqutigisan-
nut akissutitut makku saqqummiutissavakka:

Allakkap ullua: 14-12-2018
Suliap normua. 2018 - 26443
Akt. nr. 9581189

Postboks 1614
3900 Nuuk
Oqarasuaat (+299) 34 50 00
Naqitanik nassitsigasuaat +299
34 54 10
E-mail: nap@nanoq.gl
www.naalakkersuisut.gl

**1. Nunat Avannarliit Siunnersuisoqatigiiffiannut, Nordisk Rådiumut, siulit-
taasuuneq 2020-imi Qallunaat Nunaanniit tigummineqassaaq, pingajorar-
terutaalu Savalimmiut tigumminiarlugu neriorsuereerput. Siulittaas-
suufimmik Nunarput tigumminneqataassava?**

Danmark 2020-mi Nunat Avannarliit Ministeriisa Siunnersuisoqatigiiffianni siulit-
taasuusaaq. Nuna siulittaasuutitaqartoq siulittaasup sulinissaanut programili-
ussaaq, tassanilu ukiumi siulittaasuuffiusumi suut pingaartinneqassanersut nas-
suarneqarput. Taamaallilluni kalaallit suliffeqarfiutaat pilersaarutaallu kalaallinut
nunanullu avannarlernut iluaqutaasinnaasut aallartissallugit periarfissaqalerpoq.

Naalagaaffeqatigiinnermi nunat pingasuusut aqutugalugit siulittaasuunerup nal-
aani sammisassat pingaarnert pingasut suliarinissaannut piviusunngortinnis-
saannullu suleqatigiinnissaq periarfissaqalerpoq, tamannalu isumaqarpoq siulit-
taasuunermi pilersaarummi sammisassanik Savalimmiut, Kalaallit Nunaat Dan-
markilu immikkut tunineqassasut.

Ilisimatinneqarpunga Nunanut Allanut Naalakkersuisoqarfik Udenrigsministeeri-
aqarfimmik Savalimmiullu Nunanut Allanut Naalakkersuisoqarfiannik 2020-mi
siulittaasunngornissaq pillugu ataatsimiinnernik ingerlatsisartoq, ataatsimiin-
nernilu siulittaasuunermi pingaartitanut pilersaarutinullu tunngatillugu periarfissat
eqqartorneqartarlutik, taakkununggalu aamma pilersaarutit piareersarnerannut
piviusunngortinnissaannullu tunngatillugu nunat akunnerminni suleqatigiinnis-
saat.

**2. Apeqqummut 2-mut aap naamiluunniit: Tamanna Naalakkersuisut qaqugu
avammut nalunaarutiginiarpaat?**

Ukiup nutaap 2019-ip aallartinnerani Danmarkip Nunat Avannarliit Ministeriisa
Siunnersuisoqatigiiffianni 2020-miit siulittaasuunerani Kalaallit Nunaata
peqataanissaa pillugu Naalakkersuisut isummernissaannut tunngavissiamik
saqqummiinissara naatsorsuutigaara.

3. Nunat Avannarliit suleqatigiinnerat ministerillu siunnersuisoqatigiiffiat Nordisk Ministerråd aqutugalugit tapersesorumasimasat aalajangiiffi-geqataaffigisimasallu aallaavigalugit nungusaataanngitsumik atuinermik siunertaqartut apeqqutit Nunatsinni saqquminerulersinnissaannut Naalakkersuisut tigussaasunik sunik pilersaaruteqarpat?

Nunat Avannarliit suleqatigiinnerat isiginiartariaqarpoq, Kalaallillu Nunaanni nungusaataanngitsumik atuinerup siuarsaaffiginissaanut ilaalluni. Naalagaaffiit Peqatigiit nunarsuarmi anguniagaannut nunat avannarliit ataatsimoorlutik malitseqartitsinerat nalunaarusiami *Generation 2030*-mi nassuiarneqarpoq. Naalagaaffiit Peqatigiit nunarsuarmi anguniagaannik 17-iusunik nuna tamakkerlugu misissuititsinissamik Naalakkersuisuni tigussaasumik sulisoqarpoq, taak-kunanilu anguniakkani ataasiakkaanni massakut killiffiit nassuiarneqartussaap-put kiisalu suliaasaqarfiit suliniutissallu nungusaataanngitsumik ineriartortitsiso-qarnissaanut tunngassuteqartut aallartinneqareersut ersersinniarneqassallutik. Tamanna pillugu nalunaarusiaq Naalakkersuisunut 2019-ip qiteqqunnerani saqqummiunneqassaaq.

4. Apeqqut 3 pillugu: Nunat Avannarliit suleqatigiinnerat ministerillu siunnersuisoqatigiiffiat Nordisk Ministerråd aqutugalugit tapersesorumasi-masani aalajangiiffigeqataaffigisimasanilu suliniutini Nunatta takussaaler-nissaa Naalakkersuisut qanoq pilersaaruteqarfigaat?

Ataatsimut isigissagaanni nunat avannarliit suleqatigiinnerat pingaartin-neqartorujussuuvoq, Kalaallit Nunaatalu peqataanera nunat avannarliit pro-grammiini suleqatigiissitat, ataatsimiinnerit, isumasioqatigiinnerit allallu aquti-galugit ersersinneqarpoq. Nungusaataanngitsumik ineriartortitsisoqarnissaanut immikkut tunngatillugu Nunanut Allanut Naalakkersuisoqarfik februar 2018-imi Katuami ulloq naallugu isumasioqatigiinnermik ingerlatsisimavoq, tassanilu nu-nat avannarliit aamma SDG 2030-mi oqaluuserisassaq: Siulittaasuuneq aamma "Generation 2030" nunat avannarliit Naalagaaffiit Peqatigiit 2030-mut angunia-gassaanut ilanngussaat"-mik taasaq qitiutinneqarpoq.

Med venlig hilsen
Inussiarnersumik inuulluaqqusillunga



Vittus Qujaukitsoq